

# РУСКИ НОВИНИ

ЗА РУСИНОХ У КРАЛЪОВИНИ СХС

Рок IV.

Нови Сад, пятък 28. януар 1927.

Ч. 4 (111)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба  
посилац на адресу:

„РУСКИ НОВИНИ“ НОВИ САД  
Бојовићева улица број 2.

Претплату на РУСКЕ - НАРОДНЕ  
ПРОСВИТНЕ ДРУЖТВО, РУСКИ  
КРСТУР (Бачка).

## ГАРАНЦИЯ СВИТОВОГО МИРА

Жиѐме у часох ювильейох. Послѣдни два роки були, да повеме, ювильейни за цали швет, а тот тераз настающи рок 1927 специялно за Славянски народи. У нѣм преславляме 1100 рочницу смерти нашого велького апостола и просвитителя св. Кирила. Провидѣние Боже так одредзело, да тоти вельки часи благодати припадаю баш у време, кед ше сцело вибудовац нову культуру, утемелиц нови друштвени порядок без Бога и без Церкви. Кед апостоли мержнѣ, фрамасунѣ, на-явльовали людзом якиш нови мир без Того котри швету мир принѣс у вертѣпу вифлеѣмским, ювильейни роки указали, же то нѣ возможно. Тоти паломнически процесѣи миллионох народох, котри зос цалого швета приходзели до вичного Риму, значели едно гласанѣ за Христа, за Церкву, за Папу. Нѣхто нарочком нѣ ишол до Риму, да опатри споменики бувшого поганского швета, да ше чуѣе модерним будинком талианского престолного вароша. Цо вони гледали то бул Папа, була Церква католическа и од нѣй основани и зачувани святинѣ. Величезна Мисийна вистава мушела прешведчиц и найвекших неприятельох, же у Церкви дѣйствую сили, проци котрим шицко насилие, лукавство,

и крива знаносц стоя немоцни.

Кед пред даскелѣма роками пионере модерного повоѣнского дружтва як Вилсон, Мусолини, Рицлер и велѣ други писали своѣи кнѣжки и указовали на яки способ дойдземе до свитового мира, нѣ сцели а нѣ чуц дацо о Церкви и о ѣй участвованю у тей важней работи. Медзитим на видимей стѣни Петровей, и ѣй благотворним впливу на народи широм швета, мудерски ѣх теорѣи ше розбили. Ювильейни роки припомогли томе, же нешка и новши политичаре и ученияци припознаваю, ѣдни тайно други отворено, же постоѣи на жеми лѣм една сила, котрей авторитет (повага) рошне и без котрей ше нѣ може подумац виздравенѣ закирвавеней Европи. А тотта сила ест глава Церкви католической — римски Папа. Прето ше и роби о тим як висти приходза, да до Союза народох ступи и церква католическа як найвекша суверена власц на жеми. Кед би ше то догодзело, теди би одредби Союза народох достали моралну моц, а работи о свитовим миру бул би загарантовани успех. Иньшак без того шицко ше звалѣи ягод хижа збудована од паперу при першим витру.

Павич.

## У нашѣм отечеству

ПОЛИТИЧЕСКОЕ ПОЛОЖЕНИЕ

В недзелю окончили ше обласни виберанки а на вовторок зишол ше парламент на засидание. Проношели се гласи, же обласни виберанки то лѣм проба як би випатрали главни виберанки па ше бешедовало,

же кед би ше якосц поединих партийох барз пременѣла, же теди буду и державни виберанки. Медзитим ше указало, же поедини партиѣ у главном за-тримали свою якосц. У даѣдних крайох замоцнѣли Прибичевци на чкоду ради-

калох, а и радичевци вельо страцели на хасен федерал-листох. На опцу политическу ситуацию обласни виберанки нѣ буду мац впливу, ѣдино, да ше будзе мушиц гледац стаемнейша комбинация, котра нѣ будзе завишиц од розположеня Радича.

ТРОШОК КОЛО ОБЛАСНИХ  
ВИБЕРАНКОХ

Як трошок за обласни виберанки одредзено 6 миллиони дин. Зос того буду виплацени трошки председательом виборних одборох.

МУСОЛИНИ ПРОЦИВ НАШЕЙ  
ДЕРЖАВИ

Новини пишу, же у Италиѣ постоѣи ѣдно дружтво, котре роби о тим, да Чарна Гора наново постане самостойна кралевина, и да ше злучи зос Херцеговину. Тото дружтво помага Мусолини, котри би на тот способ сцел розтаргац нашу державу. А ми вше видземе якуш приятельску политику зос Талиянами.

ВОДА У ДУНАЮ ШЕ ДЗВИГА

Прешлого тижня почала ше вода у Дунаю нагло дзвигац. Насипи на лѣвим боку Дунаю досц ше поправели и могли би витримац воду 6 метерох високу, алѣ на правей страни при Белю нѣ оправени так же заш у опасносци стоѣи 11.000 ютра жеми.

ЗГОРЕЛА ФАБРИКА  
АСФАЛТУ

Подчас найвекшого витру запалѣла ше тих днѣох фабрика смоли и асфалту у Београду и до темеля згорѣла. Чкода виношуѣ миллион и пол динари.

НОВИ ЗЛАТНИ ПЕНѢЖ

Нови златни пенѣж од 20 Дин. ма ше тих днѣох послац народней банки и ѣй филиялом. Заменьовац ше будзе зос другим пенѣжом истей вредносци лѣм цо ше ище надоплаци 2 динари.

НАСИП ПРИ БОГОѢВУ

Тима днѣями започну робиц у Сонти до дунайского брега у БогоѢву, — вельки локализациону гац. Длужина будзе тей гаци ѣден и пол километра и будзе одвитовац шицким техничким условияма. Подножие тей гаци будзе 50, — а ко-руна 6 метри широка. Сама гац будзе бранѣи вецей як 10.000 кат. ютра зос тей жеми, на котрей 1924 и 1926 року була поплава.

Гац будзе коштац 10 мил. динари. У трошку будзе участвовац финансѣиска Министерия, Саобрачая с 3.000.000; — бачка жупания 2.500.000; — БогоѢвско-Вайска-Живска за-друга 4.500.000 дин.

ЦУКРОВА ФАБРИКА У ЧЕР-  
ВИНКИ

зос своѣм капиталом од 16 и зос цудзима средствами одприлики 180 миллиона дин. заробѣла у кампанѣи 1924/1925 бруто 200 миллиони дин. На преробленѣ цукровой цвикли видали 94.000.000. — а на администрацию 100.000.000 Дакле нето добиток бул 4.200.000 дин. т. ѣ. 26% принѣс уложени капитал. А хто зна кельо су ище латентни (неизъявлени) резерви. Медзи тим державни фабрики у истим времену заключѣли своѣи биланци зос утрату.

## Як кажди може робиц за Руски Новини

1) Най кажди, хто чита Руски Новини, напредок заплаци за новини.

2) Най кажди, хто чита Руски Новини, другим отим приповѣда.

3) Пречитане число не треба одруици, але другим дац, най вони читаю, або одложки и на концу рока дац ведно шицки числа за-вязац.

4) Най кажди часто при-упита свойого сушеда, чи ше уж предплацел на Ру-

ски Новини?, и най пове: Я виедзео, неможем буц през Руских Новонох.

5) Предплац, кед можеш, свойого худобного приятеля на Руски Новини под тим условиём, да вон тот новини пречита голем пред 5 хлопами або женами.

## Важне пре емигрантох до Америки

Американски новини слі-дующе являю:

Сенат принял законски проект, по котрим будзе допущено поза квоту присц до Америки 35.000 женом ведно з дзецима до 18 року. — Потвердзене того од президента вст осигуране.

У Америки вст досц наших

легинох, котри би ше радо оженели, кед би достали дзиви-ки зос краю. Модліме панотцох наших, да упозоря на тот закон свойх вирних и да ше оста-раю за дзивчата, котри ше уж давно готую до Америки. Преч. о Хранилович у Кливланду пи-ше, же би еден дзень мал 20 винчани, кед би достал дзиви-ки зос Жумберку. (Редакция).

## ШИРОМ ШВЕТА

### Белгия

#### КАТОЛИЦКИ ШКОЛИ

У Белгии полна шлєбода у вихованю дзецох. Там су шко-ли державни и виросповідни. Кажди родитель муши поси-лац свойо дзеци або до дер-жавней школи, або до вирос-повідней. Держава плаци ед-них и других учительох по чи-слу ученикох. И то наисце спра-ведливо.

На концу 1926. року учело у виросповідних школах 11.000 учительох и учителькох. Вецей як половина од шицких уче-никох, и ученицох ходзели до виросповідних школах. На кон-цу 1925. року видали державни школи 711 окончательни сви-доцтва, а виросповідни школи видали двараз тельо — 1.500 свидоцтва

Виросповідни школи не лєм

же не заоставаю за державними, але су и вельо лепши.

### Англия

#### КАЖДЕ СЕКТАНСТВО ДО-КОНЧУЄ ШЕ З БОЛЬШЕ-ВИЗМОМ

Тоти слова висказал вельки тарговельни енглески магнат Инчейп на публичних зборох едней найвекшей превожней компаниі зос Англиі до Китаю и Японії. Тот чловец недавно ше врацел зос Китаю, дзе неішка шицко вре. — Вон так гуворел: „Англия сама виновата шицким неспокойом, яки тераз владаю у Китаю, бо вона помага вшеліяки англицки протестантски секти (кривовирства). Тоти секти подзелели китајцох на вельо групи, котри з початку лєм завидним оком патрели едни на других. Тераз вони уж пристрастно воюю ед-

ни против других. Обрацац на християнство дзивих людзох, то добра ствар. Але так робити, як робели и робя тоті секти, то достойно ошлєкованя, бо тота робота приноши Англиі и ей интересом вельо вецей чкоди, як хасну, як цо уж и тераз видно“.

Так гувори еден искусни Ен-глез. Ми його слова преношиме прето, бо и у нашої держави круца ше наоколо вшеліяки под-плацени лідзе, слугове дияво-ла — и бунтую мирних людзох зос вшеліякими книшками, но-вима наукама.

Читателю! Не слухайце таких людзох. Не читайце такі книш-ки. Кед сце не бизовни, запи-тайце панотца, або учителя, або другого ученого чловека, да вас упуту — Слова Святого Писма вично буду стац; „Еден Бог, една вира, едно крещение“.

## Подкарпатска україна

### ИНШТАЛАЦИЯ НОВИХ КАНО-НИКОХ

Як нам являю зос Пряшова в недзелю по Просвйщенію наш Преосвящени владика иншта-лован там двох нових каноні-кох и то О. Емануїла Бигария, спиритуала у дух. семинарії и О. Жоанна Кизака, професора на препарандії и пароха у Пря-шеву. Еден и други уж старши, але обидвоме робя як да су у ниймладших рокох. И еден и други були вше добрима Руси-нами. О. Кизак написал вельо школски книжки и молитвенки.

При иншталації були перши 4 каноніки више подзвигнути. Тераз там капитула полна и ма 6 канонікох.

И ми Бачваньски ведно ше радуеме з нашими братами у карпатох, откаль пришли нашо нрадїдове и сердечно винчуеме и владичеству и капитули на нових канонікох.

## Италия

### ЗАКОНЧЕНЄ ЮВИЛ. РОКУ

Остатні дзень старого року

служел св. Отец Пий XI. тор-жествену Службу Божу у церк-кви св. Петра. При тей Служби участвовали и 6000 младих уче-никох зос шицких странох шве-та, да укажу чесц свойому па-трону св. Алойзю. И наша епархия була там заступена по 2 наших ученикох.

На Рождесто Христово принял Папа Пий XI. винчоване кар-диналског збору. При тей при-лежитосци висказал Вселеньски Архьерей свойо горяче жадане, да ше католици по цалим шве-це организую и да робя шицки за славу Божу и на добро свя-тей церкви.

## Франция

### СЕМИНАРИ

На конгресу у Марсильо ви-глашел канонік Леранж, же ше у Франції з дня на дзень множи число тих людзох, котри у старшим вику ступаю до се-минара и готую ше на священі-ческу службу. У 8 таких инсти-тутох находзело ше концом 1926. року 754 таких старших панох, котри започали у ста-рших рокох готовиц ше на бо-гословию, а у 9 такихсемири-йох находзи ше 220 богословох у старшим вику.

У Франції не дава держана ніч за отримованє семинара. Шицко даю або родителє, або добри людзе збераю помедзи собу за вихованє будучих свя-щенікох. Там ше вельораз при-трафи, же убога служница себе прикраує и жертвує за таки цилю. — Робя то вони, бо веря, же ім Господь то наградзи стораз вецей и на тим и на другим швецє.

Читателю! Хто може, най на таку цилю жертвує: Най вихова едного священіка, або учителя, або доброго адвоката. На тот способ зроби лепше діло, як да охаби по своей шмерци не-потребней родзини, котра ше на таким иметку будзе вадзиц и гнівац. — Творце за живота добри діла!

## ФЕЛЬТОН

М. Федоренко:

### Дяблик без рожкох

„Чуєш, Марйо, цо то було ту у валалє, док сом була на полю? Га?“ — за-пита ше нина Ганя своей сушеди. Нина Ганя була уж жена старших рокох. Муж ей бул пастир. То було баш в недзелю, кед нина мушела пойсц по по-ладню померковац на овци, та не могла шицко чуц и видзиц, цо ше приповедало и трафяло. Муж ей бул у карчми, дзе ше бешедовало о комендії, цо була на пажици.

Було там вшеліяки жви-ри и други животинї, а найвецей маймуни зос хво-стани и дзєз хвостох

„Та комендия була зос маймунами“ — одпове андя Маря гласно и такой поч-не цихше як ше прежег-нала. . . . Тот час споза у-гла вибегли громада дзеци, та танцовали и звисковали у шмиху, а за німа комен-дияше зоз пейцома майму-нами, од котрих мал кажди паліцу та ю ношел як то пастире звикли. Хвосты ца-гали за собу по праху.

„. . . Але людзе гваря, же то не маймуни, але сами дябли а комендияше же анцихрести“ — надло-жи андя И нина Ганя ше на то трираз прежегнала, а такой збачела и дзеци зоз комендияшами. „Матко Исусова!“ вимкне ше ей зоз устох. „Ни, уж су ту, гади швецки!“ . . . Уцихли обидва и прицисли гу ка-пурки бояжливо, та ше припатрели на комендия-шох — уверени, же то не комендияше але анцихрес-

ти зоз своїма слугами — дяблами.

Не чудо, же ше бали, бо ше остатні дні у валалє найвецей о концу швета приповедало. Ту найбаржей слухали людзе баш андю Марю и нину Ганю, бо ше вони два ані едней другей жени у приповеданю не дали обегнуц. — Кед же ше рознесол дораз по ва-лалє глас, же тото лебо тото хоре, хоре було лєм дотля, док до ньго не до-шол глас, котри ширели тоти два. Накеди чули, же дахто хори, вечар такой гу ньому ишли приповедаючи, же иду гу умартому, бо же им сушеда гварела, же уж зложел свойо косци, лебо же и кона. . . .

Кедже хори лежал, та-кой нина Ганя угліки ру-цала, док го андя Маря и масцела и руки му розчу-ховала и на дрику таргала, кел ше шемерел: и непре-

стала, док хори не обецал, же стане, лебо док ей под руками не здревнел, цо ше анді Марі вецейраз трафе-ло. То вона добре знала, же людзе приповедали по валалє, як андя Маря то-му и тому на други швет помогла, але вона вше ма-ла вигварку и здрилела вину на то, же му так су-дзене було. А нина Ганя ей то вше мушела потвер-дзиц зоз словами: „Та дзе би вона вина була, кед му“ — лебо уж ей — „перши углік долу концом дораз шеднул, кед сом му руцала угліку. Ша то знак наглей шмерци! . . .“

Тото приходзело тим двом пайташком вельораз на ро-зум особено тераз, кед уж тельо наприповедали о кон-цу швета, же ше уж и сами бали од нього и од анцихреста. Их страх ше повекшал тераз, кед оба-чели окурених комендия-

# Зос наших валалох

## Руски Керестур

### РЕМЕСЕЛНЕ УДРУЖЕНЕ

на редовним рочним засиданню, котре ше отримало 19 януара 1927 року, — до нового одбору вибрало слидующих членох:

за председателя Андрия Дудаш кушнїр, за касира Штефан Малацко мотузар, за авшузох: Штефан Надь ременяр, Данил Виславски ципелар, Яким Ковач колесар, Павел Надь байбер, Янко Няради скравач, Габор Варга столяр, Дионис Паланчаи ковач, Штефан Няради тарговец, Мпкола Павлович качмар, Филип Радванї месар, Михал Чизмар чарапар, Андри Будински обучар. За ревизорох: Михаил Джуња муляр, Йовген Колбас ципелар, Людевит Арт пекар. За надзорника: Дюра Сегеди ковач, Янко Симонович столяр.

### ЗАБАВА

Ремеселне дружтво у Руским Керестуре 5. фебруара 1927. року у гостиници гдови Штефана Гарди будзе отримок *Забаву (Бал)* котрей чисти приход ше дарує у 50% фонду ремеселного дружтва а 50% фонду за „Руски Новини“. Добровольна предплата ше прима зос благодарносцу и будзе явно виглашена у „Руских Новонох“. Початок вечар на 7 годзин. Уступ од особи 8 — а од семейства 12 динари

Одбор.

шох з маймунами у праху, цо ше спод нїх дзвигал гу хмаром. Гу томує ше и слунко упарло своєю зачервенете око на тот прах з другого боку, бо праве шедало. Также випатрало у тим праху, як цо намальоване пекло. Прах ше червенел и дзвигал, та випатрало як да ше дзвигаю пламени язика, котри паля у пекле недобрих людзох, док их дябли з ожогами штухаю и муча. Шицку тоту слику усовершело то, же маймуни и комендияше скакали а дзеци позамасцовани шицко обольовали... Зоз тей задуманосци их вирвал бачик „Бойтар“, муж нинов Ганьов. Вон ше уж врацел зоз карчми и позберал гу овцом на ноц: „Дзеже ми торба, Ганьо?“ — Обидва аж потскочили на тоти слова, а бачик „Бойтар“ предлужел: „Цо ше так ужераце на тих

### КЛУБ ЗЕМЛЕДІЛЦОХ

Дня 17-го януара 1927 року Клуб Земледілох отримал своєю першу схацку. Члени того клуба, котри зме ше подязали, же за заєднички циль — за медзисобне помагане и чуванне економних и культурних интересох нашого валала, — будземе жертвовац свой труд, време и капитал, поздравляме наших Братох и модліме их, да нашу роботу провадза з любову и поверением.

У нешкашнім друштву кажди грабе там, дзе може. Культурно и економно слабши препадаю як жертви немилосердносци моцнейших. Клуб Земледілох вжал себе за задачу, да стане тому злу на драгу, и да на место мержнї створиме любов и медзисобне почитоване худобних и богатих земледілох.

Ми свидоми, же то чужка работа будзе, бо треба зрушиц вельо препятствия, але з Вашоу помоцу ми ше надаме успеха.

Ми свидоми, же велї задовольни, гоч им и зло идзе, и же тоти скорей нам буду упрекоци робиц, як нас помагац, но нас то не може звесц з нашей драги — добри оцєц муши жертвовац свой нешнї дзєнь за слидующи дзєнь його дзєцох.

Своєю циль, своєю задачу клуб дума посцигнуц на тот способ, же ше будзе трудзиц зоз шицкима своїма силами, да подзвигне ниво

хортох?! Озда думаце, же справди зоз пекла пришли! Думаце, же би им Луцифер дал охладзиц ше ту присц!??“ и нашмеял ше, як то звикли напити людзе Але, бо ше анї не озвала — не могли прийсц гу себе, зврещал на жену: „Скапане ци твойо и жени! Дзе ми торба? Цо ши ми ю не порихтала?..“ „Ѓй, Янку, забула сом як умарта! Дораз такой вам ю порихтам!“ лєдво виповедла нина Ганя и вошли шицки тройо до двора, а бачик жубронюци дочекал своєю торбу, вжал пулина, палицу и чугу и пошол гу овцом. Пред нїм ше на добрим фалаце рушали комендияше. Кед ше цалком ноц спушцела, подзвигали шатри у ярку, позаперали маймуни до клїткох, та полегали.

(Далей будзе)

культурни своїх членох, а преко нїх и жительству нашого валала. З другима словами, сцеме мац душевно богатих людзох, да постанеме економно богати, бо богатство нешкашнього друштва не плод моцней руки, але плод моцного розума.

Керестурци! Попатъце на своєю церкву! Тото зданне не правела Ваша зависц и Ваша мержнїя! Церкву будує любов и медзисобне помагане!

Гайд! Браца, будуйме себе ище єдну церкву — церкву жемского живота! бо человек живє два живота: жемски и небесни.

Хто ше родзи, муши жиц. Од Вас завиши, чи будзе Ваш живот и далей патня, лебо чи будзеце своєю патню ублажовац.

Хто розуми слово нешкашнього времена, хто криє у глубини своього шерца голем капочку волї за пожертвовносци, тот найидзе по нашей драги — ми му даваме нашу брацку руку!

Клуб Земледілох у Р. Керестуре.

### † МАРИЯ РАМАЧ

11. Януара т. р. упоковела ше мирно у Господу гдв. Мария Рамач, родз. Будински, у 92. року своього живота.

На Крачун ше ище пришла сама до Церкви исповедац и причасциц, а о 3 днї пошла славиц други небески Крачун. Покойна виховала 4 синох и 3 дзивки и охабя за собу вельке число унукох и праунокох.

Дотримал ю до шмерци син Михал *доброшвор Р. Новонох*, цо даровал за их фонд 1000 дин. и вше стої твардо при работи Рускей Просвити. Народ вредну покойницу випровадзел до єй вичного починку у вельким числу.

Вичная єй памят!!

### Дюрдьов

#### ПЕРШЕ ХОВАНЕ

у новим року мали зме барз смутне. Ч. г. Дюра Венчельовски на Богоявление бул єще и у церкви и на Водосвятию а по поладню в єдно з другима шедзел и бешедовал у читальни и у рускей каси дзе бул ревизором. Вечар по обичаю на пацери пришол дому и цалком здрави анї же би ше дацо поносавал, же му не добре легнул до своєї посцелї на одпочинок. Рано шицко друштво повставало на своєю робо-

ту а Дюра єще шпї. Було им чудно, цо же оцєц мимо обичаю так длуго шпї, и кед го пришли збудзиц, оцєц ше анї не озива анї не руша. Оцєц умарти. Фришко приволали паноца и дохтора, хтори установел, же го пред кратким часом у снѹ вдерела кап шерца. Паноцєц му удзелєл под условием розришєние и св. оліво. На нїм ше не видзело анї найменшого знаку шмерци и смертельной борби: як да спал легким и сладким сном. Покойни Дюра дожил 51 рок своього живота, бул вше здрав и хлоп а шицок го валал почитовал як вредного, благого, трежвеного и чесного человека. Бул и церковним одборником. На гир єго наглєй шмерци шицок ше валал порушел и шицки го барз жаловали. Поховали зме го зос вельку учасцу и жалосцу цалей парохїи. О. парох у отпитованю указал на нестасносц чловеческого живота и на прагу нового року як ше виполнела гевта наука Оо. Мисионарох „Умерц мушим, але не знам кеди, не знам як...“ † Дюра особито любел своєю Руски Новини и Просвиту.

Ну лєдви зме † Дюру поховали такой други дзєнь нам падло у жалосну длужносц да одпровадзиме на одпочинок до мацери жеми чесного дїда

† Янка Шайтош. Єще на Богоявление зме у єго обисцу воду швецели. Дїдо Янко гоч бул вше здрави тедик ше уж добре не чувствовал, але ше ипак не думало, же тот слабосц гу шмерци идзе, Та, док слунко загреє та и єму будзе лєпше. Але дїдо як да чувствовал, же шмерц ту при дзверох. Цалу ноц препровадзел у молитвох. Рано го нараз улапела смертельна борба и за кратки час наш ше дїдо преселел до вичносци. Пожил 78 роки а през 14 роки док ше Дюрдьов ище будовал бул дїдо Шайтош першим церковним газдом єще у старей церкви. Паноцєц парох у одпитованю признал покойниково вельки заслуги за церкву и общество и похвалел єго любов гу благоліпию дома Божого.

Обим нашим милим покойником най Госп. Бог подарує царство небесне най им будзе блажена памят.

### Миклушевци

Внедзелю пред Богоявлением нащивели нас нашо



браща члени Р. Н. П. Друштва с Петровцох. Пришли гу нам, да нам враца любов, хтору зме им указали, кед зме пред пар рокох дали концерт у Петровцох. И врацели нам сторицею. Телі шпиванки, хтори зме слухали у церкви, на забави и после у друштву су доказ, цо ше пре любов може зробиц зоз тварду дзеку и слогу.

Шпив „Заповити“ заповеда нам, же ше мужески хор посебно муши похваля. Не зна ше, хтори гла си лепши, чи тоти лирски люпски тенори зоз вельку висину, чи моцни — руски баси. —

Представи: „Заврачане благо“ и „Силом дохтор“ добре увежбани и научени, па були добре и виведзени.

Материални успех бул красни, а морални непре-

поведзени за миклошевски прилики. Много численому народу ше мушели дзеподни ствари познейше поновиц.

Чесц Миклошевчаном!

Ище векша чесц Петровчаньом, хтори шицко тото приуготовели и хтори нам драгу указали, по хторей мушине исц. Вони, позберани до громатки у Просвитвим Друштву надвладац можу запреки, упознаваю сами себе, свой народ, ширя руску свидомосц, збераю народне благо, а с тим ширя чесц и поважане не лем Петровцом, але и цалому нашому рускому народу.

Лем напредок, браца, шмело по тей драги и дай Боже, да ше цо вецей миклошевчаньох на Вас упатри!

Миклошевчань.

## Вшеліячина

### ЖИДЗИ У ПАЛЕСТИНИ

Америцки ученяк (Др. Причет, котри бул у Палестини и преучовал тамтейши отношения гвари, же Жидом неиде добре у Палестини. Вови думали, же там осную свою державу але то не возможно, бо у Палестини биваю Араби, котри жидох ненавидза. Исто так нет там шлеводней жему за колонизацию. Др. Пришчет радзи Жидом, да не думают на свою державу у Палестину, гоч би цалому швету одлегчало да ше виселя там. Народ, котри не приял Откупителя швета заслужел да ше блука без своего отечества и своей держави.

### КАПУТИ ЗА КОЗИ

У держави Тексас (Америка) котра ма барз високи бреги и гори тримаю ангорски кози зос красну длугоку волну. Але кед им волну оштригаю у мешацу марту, теди им жимно и вони барз здихаю. Газда Рик пришол на думу, же би найлешше було облечиц оштригани кози. И вон то и зробел своим козом далушиц капуты и таких зачувал од здиху. А крем того и волна облечених козох лепша и финша. Капути барз практични справени а тирваю 5 роки, не препущую диждж а коштаю 50 динари.

## Подзековане

Високопреосвященни Митрополит у Загребу о. Др. Антоний Бауер даровал на потреби грекокатолицкей Церкви у Козарцу (Босна)

1000 Д. За високо благородни дар Його Високопреосвященству Митрополиту у мену Церкви и парохиянох потписани найсердечнейше дзекуе.

о. Михайло Черняк, упр. п.

## Шветочни отпочивок

Недзеля 31.

ЕВАНГ. ЛУК. ГЛ. 18. ЗАЧ. 93.

Во время оно егда приближися Исусъ ко Іеріхону, слѣпецъ нѣкій сѣдѣше при пути прося. Слышавъ же народъ мимоходящъ, вопрошаше: что убо есть сіе? Повѣдаша же ему яко Исусъ Назарянинъ мимоходитъ. И возопи глаголя: Исусе, Сыне Давидовъ, помилуй мя. И предидущи прещаху ему да умолчитъ, онъ же паче множае вопияше: Сыне Давидовъ, помилуй мя. Ставъ же Исус, повелъ привести его къ себѣ, приближшуся же ему къ

нему, вопросы его, глаголя: что хочещи да сотворю ти? Он же рече: Господи, да прозрю. Исусъ же рече ему: прозри; вѣра твоя спасе тя. И абіе прозрѣ, и въ слѣдъ его идѣше, славя Бога, и вси людѣе видѣвше, воздаша хвалу Богови.

Сліпец „при пути“, при Ерихону, є приклад цалому роду християнскому, же зме ше длужни модліц Богу небесному, и як ше маме модліц, або дацо питац од Господа и волац ше на нього.

Сліпец гледал свойо спасене, бо чекал Месию и дознавал ше за нього, и кед чул од людзох, же идзе по драже, такой ше волац на нього, и то зос-

цалим шерцом и силу: „Исусе, сине Давидов, помилуй мя.“ Исуса вола сином Давидовим, бо зна, же Месия походзи од колена Давидового. Сліпец не видзи Исуса, и не зна дзе є, але ипак непрестано вопив: „Исусе сине Давидов“; гоч му ше людзе грожа, да не кричи и не буні швет. Сліпец „паче множае вопияше: Сине Давидов помилуй мя.“ Вой ше модлі у пайвекшей нужди и запушеносци своей; недзба, цо швет гутори и не престава ше модліц гоч не видзи ище ні якого знаку за вислугане, а модлі ше горящо и широ.

Сліпци „при пути“ у Ерихону, то зме ми людзе — християне. И ми цемни у розуме своим, слаби у волі своей, полни вшеліяких нуждох и бидох, па зме присиловани прето волац ше на Бога.

Христос сам заповеда, да ше модліме Опу небесному и да питаме од нього, цо нам треба. „Просите и дастся вам.“ На молбу сліпного станул Исус на драже, дал приволац сліпного и питал ше го, цо сце. То тельо значело, да пита ище раз, а вон питал и гварел: „Да прозрю“. На то му Исус гварел: „Прозри“, вира твоя спасет тя.

Так, ето, маме и ми робиц. Гоч не видзиме Бога и гоч ше по себе чувствтуеме слабима и немочнима, але вериме Бога, и на нього уповаме, а то Богу досц, да нас вислуха. Наша молитва даклем муши буц устрайна, побожна, смирена, горуча и полна упования на Бога, же нас вислуха, як цо вислухал и сліпца.

Кед так будземе питац, як сліпец, теди будзе вислухана наша молитва. „И дастся вам“. Исус нам обецал, же нас Бог вислуха, кед будземе питац Оца во имя его. (Лука, 16., 23.) То значи, же шицко тото, цо ше тиче спасеня нашей души, то нам Бог да пре Исуса.

Прето у наших молитвах вше перше питајме тото, цо ше тиче добра нашей души и ей спасеня. За жемски добра нам не обецал Исус, же нас Бог вислуха. То лем теди зроби, кед то звязане зос спасенем души нашей.

Прето кричме зос цалого шерца нашего дзень и ноц: Исусе, сине Давидов, помилуй мя“, але при тим вше нам пай будзе на розуме спасене души нашей, и теди Бог бизовно вислуха молитви нашо.

Мих. Мудри.

## Нашо претплатніци

За 1927 рок намирели свою предплату слідујуци п. п.: Балог Янко, Дюрдьов, 50 д. Дороггази Никола, Дюрдьов, 50 д. Ерделі Юла, Дюрдьов, 100 д. Ерделі Иля Дюрдьов 50 д. Копчански Михал, Дюрдьов, 100 д. Олеар Петро, Дюрдьов, 50 д. Олеар Михал, Дюрдьов, 50 д. Чапко Дюра, Дюрдьов, 50 д. Бабяски Андри, Дюрдьов, 100 д. Макаі Никола, Дюрдьов, 50 д. Руска Задруга, Ку-

пура 100 д. Симон Виславски, Дюрдьов, 25 д. Дюра Дудаш, учитель, Коцур, 100 д. Янко Ерделі, професор, Н. Вербас, 100 д. Андри Джуджар, Р. Керестур, 100 д. Дюра Киш, Коцур, 50 д. Павел Колесар, Коцура, 100 д. Михал Сабадош, Р. Керестур, 100 д. Илько Сопка, Р. Керестур, 50 д. Николай Гирйовати, Миклушевци, 100 д. Андри Орос, Миклошевци, 100 д. Штефан Горняк, Коцур, 50 д. Янко Дороггази, Коцур, 100 д. Махаил Боднар, 100 д. Габор Папуга, Миклушевци, 50 д. Мафтей Сабадош, Р. Керестур, 100 д. др. Антун Акшамович, Дяково, 50 д. Никола Козар, Р. Керестур, 50 д. Яким Костельник, учитель, Миклошевци, 50 д. Михайло Тимко, Коцур, 100 д. Петро Папуга, Миклушевци, 50 д. Ефрем Колесар, Р. Керестур, 100 д. Евген Гербут, Р. Керестур, 100 д. Михал Киш, Коцур, 50 д. Андри Надъ, Ст. Вербас, 50 д. Гербут Денчи, Р. Керестур, 100 д. Церковни Одбор Р. Керестур, 100 д. Янко Будински, Р. Керестур, 50 д. Дюра Шимко, Р. Керестур, 100 д. Янко Джуња, каменар, Кула 100 д. Гдов. Юла Няради, Р. Керестур, 100 д. Людевит Арт, тарговец, Р. Керестур 100 д. Яков Ерделі, Шид 100 д. Янко Ерделі, матурант, Митровица, 50 д. Дюра Гирйовати, Петровци, 100 д. Ферко Гарди, Коцур, 100 д.

## БЕРЗА

Берлин 1 злата марка	13.46 д.
Будим. 100.000 мадь. кр.	79.— „
Италия 100 лира	251.— „
Букарест 100 лей	32.— „
Лондон 1 фунд. штер.	275.25 „
Нью-Йорк 1 доллар	56.58 „
Париз 100 франки	224.24 „
Праг 100 Чес. кр.	167.65 „
Акциі З. К. Б. Д. Д.	325 „
Швайцарска 1 франк	10.97 „
Виден 1 шилинг	8.— „
Наполендор 1 ком.	190.— „
20 златних корун	190.— „
10 „ „	95.— „
Сеферин	400.— „
Дукат	100.— „
1 круна у сребру	3.— „
5 „ „	15.— „
1 форинт „	6.— „
7% держав. позичка за 100 динара ном. 70— дин. 2 1/2 % ратна штета за 1000. дин. ном 290— дин.	

За злато и за вредносни папери плацаю банки потполни курс, а за валути о даскельо поена меней.

ЧИТАЙЦЕ „РУСКИ НОВИНИ“